

Li mescomte dóu jardin de Boudougno

Aquel ome èro laid coume un grapaud sabatié, mau-grat qu'aquéli soun précieux bord qu'escarton touto la verminaio. Tóuti li pichot avien pòu d'aquel vièi garçoun, acò venié de vièiis istòri: aquéli que se countavon i vihado d'ivèr. Aquel oumenas avié eireta de soun paire, d'un jardin d'ourtoulaio que la coumuno lougavo pèr lou franc simbouli, coume se praticavo dóu tèms ounte se vesié mai d'indigènt recouneigu qu'à l'ouro d'aro. À-n-aquéu eiretage tambèn reculiguè un ase dóu Peitau que ié rendié foço service: d'ùni viravo la pouso-raco pèr arrousa li samenage, e perèu pougissié la femaduro bioulougico. Aquel garçoun, tenié pèr eredita lou biais de fatura, tant d'alesti li semènço, quouro lis endevenènço ié lou permetien à saupre: la luno, li mes, li sesoun. Avié pas soun parié pèr li liéume. Pèr acò se levavo d'ouro, carrejavo li rèsto di cèndre, lis espelucarié de l'oustau, que vujavo dins la mita d'uno vièio bouto tout acò mescla emé de fueio quàuqui retaioun de branquihoun. Te fasié buta de poumo-d'amour, de touto espèci, de pebroun di tres coulour, li merinjano, coucourdeto tambèn, d'ensalado, que fasié emblanqui emé de papié journau envirouna, de rego de pòrri, de favioulet, de blede sènso "*omega tres*" de blede-rabo, tambèn de cebo, d'aïet. Uno après-dinado dóu mes d'avoust, en se passejant s'avisè que dins uno de si lèio souto la figuiero, uno tiero de cicourèio èro rasclado coumo s'avié reçaupu de cop de daio. Éu se diguè qu'èro belèu de taio-cebo, mai s'enganavo, bord qu'à quàuqui pas d'aqui s'avisè d'un petoulié fres de la niue e subre-tout de clavo d'un lapinas qu'avié planta caviho souto aquelo bello figuiero. Pèr monte a passa? Faguè lou tour e te veguè un pichot trau, qu'èro lou rode ounte s'estiravo pèr ié passa. "Moun gaiard te vau leva l'envejo." Anè cerca uno leco rescoundudo souto uno tino dins la croto, e coume li maisso èron emplenado de dènt: Aqui i' envirounè de lesco de peio fin de noun l'estroupia de fes que se pessuguèsse. À pouncho d'aubo l'endeman se rendeguè au rode ounte avié cala, lou veguè acrouchouni coume uno paumo, aqui l'aubourè en te ié passant un saboun e lou leissè s'emparti ié disèn" fout-me lou camp d'eici que te vegue pas pus autramen aviso toun rable lou cop que vèn"!!!!!!

Sèrgi BARRE d'Aigo-Morto.